

Izvještaj o stanju integriteta u Uredu koordinatora Brčko distrikta BiH pri Vijeću ministara BiH

Koordinator Ureda koordinatora Brčko distrikta BiH pri Vijeću ministara BiH je Odlukom broj: 17-05-127/23 od 9. 10. 20023. godine imenovao radnu grupu za izradu Plana integriteta Ureda u sljedećem sastavu:

1. Admir Operta, pomoćnik koordinatora za pitanja Ustava, Statuta, zakonodavstva i pravnih poslova u Uredu – koordinator,
2. Sanja Alatović, pomoćnik koordinatora za politička i civilna pitanja – član i
3. Vladimir Ivanek, pomoćnik koordinatora za privredna i fiskalna pitanja.

U skladu s Jedinstvenom metodologijom i smjernicama za izradu i provođenje planova integriteta u organima javne uprave i institucijama Brčko distrikta BiH radna grupa je sve poslove Ureda podijelila na specifične i zajedničke oblasti. Specifične oblasti Ureda definisane su posebnim nadležnostima koje su propisane zakonima i drugim aktima Brčko distrikta BiH. Zajedničke oblasti su oblasti koje su jedinstvene za sve organe javne uprave i institucije u Brčko distriktu BiH. U prijedlog Plana integriteta Ureda radna grupa je definisala ukupno 11 zajedničkih oblasti i to:

1. Zakoni i drugi propisi,
2. Upravljanje i rukovođenje Uredom koordinatora Brčko distrikta BiH pri Vijeću ministara BiH,
3. Kontrola rada,
4. Javne nabavke,
5. Kancelarijsko poslovanje,
6. Transparentnost rada,
7. Interna komunikacija,
8. Ljudski resursi,
9. Profesionalizacija zaposlenih,
10. Mišljenje i komentari na odredbe u nacrtima ili prijedlozima zakona, podzakonskih i općih akata.

Kada su u pitanju specifične oblasti prepoznato je njih 6:

1. Praćenje rada Vijeća ministara Bosne i Hercegovine, prisustvo sjednicama Vijeća ministara i odborima Vijeća ministara i obavještanje nadležnih organa Brčko distrikta BiH o istim,

2. Uspostavljanje i održavanje kontakata s domaćim i stranim političkim, privrednim, fiskalnim institucijama i nevladinim organizacijama,
3. Saradnja s institucijama Distrikta i predstavnicima Distrikta u radnim grupama na državnom nivou u vezi s pitanjima od ustavne, statutarne i pravne važnosti,
4. Zastupanje interesa Brčko distrikta BiH pred domaćim i međunarodnim institucijama,
5. Praćenje aktivnosti iz oblasti političkih i civilnih poslova na nivou BiH koje su od važnosti za Brčko distrikt BiH i predlaganje odgovarajućih radnji koje treba preduzeti da bi se uskladile aktivnosti i politika države i Distrikta i
6. Koordinacija i saradnja u vezi sa sportskim, obrazovnim i kulturnim projektima i programima na državnom nivou s ciljem adekvatne zastupljenosti Distrikta u tim programima.

Na osnovu analize stanja integriteta u Uredu te relevantne dokumentacije, koordinator radne grupe je, uz saglasnost članova iste, predložio mjere, aktivnosti za realizaciju mjera, prioritete mjera, izvršioce mjera, rok za provođenje aktivnosti, kao i eventualne troškove za realizaciju mjera.

Radna grupa je, na osnovu analize stanja integriteta u Uredu, zaključila da nije bilo većih kršenja integriteta, te da treba ostvarivanju predloženih mjera kako bi se poboljšao integritet.

Također, radna grupa je ocijenila da je neophodno povećati efikasnost i transparentnost rada, poboljšati rad Ureda te dosljedno primjenjivati zakonske i druge propise.